

DOWLADDA SOOMAALIYA

XEER MAAMUL 11 agoosto 1956, L. 60 Rep.

Magaalada Marka, waxa laga asaasay koorsa xirfadeed loogu talagalay kalkaaliyeyaasha caafimaadka xoolaha ee Machadka tallalka xoolaha.

MAAMULUHU

Marki uu arkay sharciga 7dii maajo 1956, n. 1;

Marki uu arkay Xeer 18 maajo 1956, n. 78;

Marki uu arkay wareegtada Maamulka, n. 12 ee Rep. taariikh 12 feberaayo 1964 ee lagu asaasay dowrad laba sannadle ah oo loogu talagalay kalkaaliyayaasha caafimaadka xannaanada xoolaha;

Marki uu Tixgeliyey fursadda 'dib loogu cusbooneysiinayo dowrooyinka si loo dhammaystiro diyaarinta kalkaaliyayaasha Caafimaadka Xoolaha, oo lagama maarmaan u ah buuxinta baahida ka jira deegaanka;

Marki uu Dhegetstay Golaha Wasiirrada kalfadhidgoodii 9ka agoosto 1956;

Arkayna soo Jeedinta Wasiirka Arimaha Bulshada;

WUXUU XEEREEYAY:

Qod. 1

Iyada oo lala xiriirinayo qodobka 3aad ee Go'aan Sharchiyeedka 6da feebaraayo 1956, n. 12, dowrad xirfadeed loogu talagalay Kalkaaliyayaasha Caafimaadka Xoolaha ayaa laga sameeyay magaalada Marka, machadka tallalka xoolaha, si loo abuuro koox shaqaale ah oo loo tababaray heer farsamo iyo dhaqameed, oo awood u leh inay gutaan hawshooda, qayb ahaanna bedela dhakhaatiirta xoolaha ee cudurrada faafa, daaweyna kara cudurrada ugu badan Soomaliya.

Qod. 2

Waxa la ogolaaday nadaamka ku lifaaqan oo ka kooban 16 qodob kaas nadaaminaya habka ay u sheqeyneyso dowrada kor lagu xusay.

Qod. 3

Dowrad xerfadeedka loogu tala galay kalkaaliyayaasha caafimaadka xoolaha waxa ay bilaaban bisha agoosto dhexdeeda 1956 waxa ayna dhammaan doontaa bisha agoosto dhexdeeda 1958.

Qod. 4

Kharashaadka la xiriira waxaa lagu dallaci doonaa Cutubka 55 ee sannad maaliyadeedka hadda socda, iyo Cutubyada u dhigma ee sannad maaliyadeedyada xiga.

Muqdisho, 11 agoosto 1956.

P. MAAREEYE

Franca

Sheikh Cali Jimcaale Baraale

ARKAY n. 517 ee 11 agosto 1956.

Madaxa Xisaabaadka : **Tuure**

ARKAY Diwaangelinta – Diwaan n. 18 – warqad n. 154.

Muqdisho, 8da seteembar 1956.

Garsooraha Xisaabaadka: **Spadaro.**

NADAAMKA “Dowrada kalkaaliyayaasha Xannanada xoolaha”

Qod. 1

Dowrada kalkaaliyayaasha xannaanada xoolaha waxa ay ka dhacdaa Magaalada Marka, degaanka Machadka Tallaka Xoolaha.

Maamulaha Machadka la soo shegay ayaa masuul ka ah dowrada.

Qod. 2

Dowradu waa laba sannadley waxana loo qaybiyaa laba wareeg oo mid walba yahay sided bilood oo ay raacdoo afar bilood fasax ah. Dowraduhu waxa ay bilaabanayaan bartamaha agoosto, waxa ayna dhammaan doonaan nuska dambe ee abriile sannad walba.

Qod. 3

Ardayda kalkaaliyayaasha caafimaadka xoolaha ah (nooca C heer 11) ee lagu shaqaaleysiyyay iyada oo lagu saleynayo tartankii lagu dhawaaqay wareegtada maamul ee 6 feberaayo 1956 n. 12 ayaa lagu qoraa dowrada.

Arday dheeriga ah, oo aan ka badnayn seddex, oo ay shaqaaleeyaan Hay'adaha kale ee Dadwladda ee soo bandhiga dhaqan habboon ayaa sidoo kale lagu qori karaa dowrada, kadib oggolaanshaha Wasaaradda Arrimaha Bulshada.

Qod. 4

Dowrooyinka waxay ka kooban yihiin casharro akhris ah iyo layliyo shaqo gacmeed la taaban karo.

Casharradu waxay caadi ahaan bixi doonaan galbihi, iyada oo saacado waxbaristu ayna ka yarayn tobantaa markaana aan ka badnayn laba iyo tobantaa toddobaadkii; laylisyada gacan ka qabadka waxaa badanaa lagu sameeyaa Machadka Tallalka xoolaha, iyadoo la la dhowrayo saacadaha caadiga ah ee shaqada subaxdii.

Qod. 5

Inta lagu guda jiro fasaxyada u dhaxeeyaa sanadka koowaad iyo kan labaad, ardaydu waxay si joogto ah ugu adeegi doonaan waaxda caafimaadka xoolaha, waxaana laga yaabaa in laga shaqaaleeyo, ulajeeddooyin waxbarasho ee u safarrida xoolaha.

Qod. 6

Casharada ayaa diiradda saaraya maaddooyinka soo socda:

SANNADKA 1AAD

- a) sharraxaadda jirka xoolaha qaybahiisa iyo muuqaalka taranka;
- b) shaqooyinka jirka xoolaha;

- c) cudurrada guud iyo iska caabinta jirka;
- d) walxah daawada;
- e) dhaqanka guud

SANNADKA 2AAD

- a) cilmiga cudurrada iyo rugta caafimaadka;
- b) cudurrada la'isu gudbiyo faafana ee ku badan Soomaaliya;
- c) Cilmiga cudurrada, rugta qalliinka iyo qalliinka ku daaweynta;
- d) Ilaalinta fayadhowrka iyo fatashidda Caafimaadka Xoolaha iyo kormeerka hilibka la gawraco;
- e) Nadaafadda xoolaha iyo tijaabooyinka shaybaarka;
- f) noocyada Cilmiga naaxinta, ezoognozia, korinta cungaha iyo warbixinnada rima gacmeedka.

Qod. 7

Casharada waxa ay u baxaan sida ku xusan shaxda ay soo dijisay Wasaaradda Arimaha Bulshada kadib soo jeedinta Maamulaha Dowrada.

Qod. 8

U gudbidda min dowrada koowaad ilaa tan labaad waxa lagu saleeyaa natijada imtixaanka uu qaado guddi ka kooban madaxa waaxda caafimaadka xoolaha – guddoomiye, Maamulaha dowrada iyo macallimiinta.

Imtixaannadan waxay ka kooban yihiin imtixaan qoraal ah, imtixaan afka ah maado kasta, iyo layliyo gacan ka qabad ah.

Qod. 9

Dhamaadka dowrada labaad, waxaa la qaadaa imtixaannada lagu bixinayo Diboloomada kaaliyayaasaha caafimaadka xoolaha. Waxaa la qaada imtixaanka guddi uu magacaabo Wasiirkha Arimaha Bulshada.

Qod. 10

Imtixaannada shahaaddada dibloomada waxa ay ka kooban yihiin labo imtixaan oo kala ah qoraal ku saabsan mowduucyo leh dabiacad farsamo-yaqaan, oo ay doortaan gudiga imtixaanka, iyo tijaabooyin afka ah iyo layli gacan ka qabad dhamaan maadooyinka baxa.

Qod. 11

Dhibcaha imtixaanka lagu qiimeeyo waxa loo qaybiyaa 10 dhibcood. Ardayga hela imtixaan kasta dibco aan ka yareyn 6 dhbcood min tobantayaa hela gudbitaan.

Qod. 12

Imtixaannadu waxa ay dhacaan dhamaadka dowrad kasta oo sanadle ah.

Shaxda imtixaanka waxaa dejinaya madaxa waaxda xanaanada xoolaha, kadib soo jeedinta Maamulaha dowrada.

Qod. 13

Ardayda sanadka koowaad iyo kan labaad ee ku dhaca wax aan ka badneyn seddex imtixaan ayaa la ogolaan karaa inay ku celiyaan imtixaanada labada usbuuc ee ugu horeeya bisha Agoosto.

Qod. 14

Macallimiinta maaddada caafimaadka ama maaddada caafimaadka xoolaha ee dowrada dhiga waa in, caadiyan ay heystaan darajada Laureayada.

Shaqada waxbarista ayaa sida caadiga ah soconaysa hal sano, waxaana u xilsaaray wasiirka arrimaha bulshada, kadib soo jeedinta madaxa waaxda xanaanada xoolaha.

Qod. 15

Macallimiinta waxaa la siiyaa ugu badnaan qiyas Sh. So. 12 saacad kasta oo fasal ah oo rasmi ah. Xubnaha Guddiga Imtixaanaadka, ee lagu xusay qodobbada 8aad iyo 9aad, waxaa la siiyaa lacagta qiyas Sh. So. 5 ah ardaygii la imtixaanaba.

Macallimiinta waxaa looga baahan yahay inay buuxiyaan warbixinno kooban oo bille ah. Warbixinndaas waxaa loo gudbiyaa Maamulaha dowrada, kaas oo dib u soo saari doona una qeybinaya ardayda.

Qod. 16

Kormeerka farsamada iyo edbinta ee dowrada waxaa gacanta ku haya Madaxa Xannaanada xoolaha, kaasoo oggolaada barnamijyada waxbarista ee maaddooyinka kala duwan, ee uu soo jeediyo Maamulaha dowrada.

Muqdisho, 31 luuliyo 1956.
